



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 53. An sit obligatio compensandi damna orta ex dilatione restitutionis.

urn:nbn:de:hbz:466:1-42561

di gravitatem materiæ , sive illam gravitatem
convertendi in levitatem,

*Instab. 2. Obligatio gravis respicit materiam
gravem. R. Respicit materiam gravem , quæ to-
ta sub mortali restitui debeat , n, quæ sub morta-
li eousque restitui debeat , ut non maneat gravis ,
c, & hoc fiet in nostro casu.*

*Q. 53. An sit obligatio compensandi damna orta
ex dilatione restitutionis. R. Culpabiliter differens
restitutionem tenetur compensare damna , uti
patet: è contrà si delatio non sit culpabilis sed su-
perveniat, v. g. ex impotentia restituendi, AA di-
stinguunt, nam si debitum erat ex delicto, Molin.
Laym. Rebel. Lugo d. 21. n. 17. Leff. I. 2. c. 16. n. 32.
Dicast. de Rest. d. 10. n. 76. Tamb. I. 8. t. 3. c. 2. §.
6. n. 5. Ills. t. 4. d. 3. n. 262. Petzsch. p. 212. aliquie
communiū obligant ad resarcienda damna ,
quia injusta acceptio , quæ præcessit , adhuc est
causa illorum ; Nav. tamen Dian. p. 11. t. 2. R.
34. Burgh. cent. 1. cas. 10. & 24. excusant , nisi
prævidens & volens posuisset causam dilationis ;
quam sententiam Dicast. vocat probabilissi-
mam , si causa differendi sit gravis necessitas vel
periculum spirituale, quia ultima damna prove-
niunt ex justa dilatione solutionis , justa autem
dilatio purgat moram , estque tum justa , quan-
do in his circumstantiis fieri non potest solutio,
tum enim creditor non potest esse rationabiliter
invitus circa dilationem ; & secundūm hanc sen-
tentiam docet contra alios Lugo d. 18. n. 43., si
materia restituenda valebat 100: aureis , quando
debebat restitui , & postea valet tantūm 80:,
quando post dilationem justam restituitur , satis
esse restituere valorem 80:, nam quando valebat*

100: ;

100: , tum non tenebatur ex delicto formaliter & proximo solvere : Utraque sententia est probabilis , prima tamen probabilior: Notat autem recte *fls.* , si dilatio facta sit propter talem necessitatem , ob quam tum licuisset rem eandem auferre domino , non fore obligationem compensandi damna ex dilatione secuta , quia tum non imputarentur delicto sed necessitati , quæ sicuti excusasset acceptationem , sic nunc excusat retentionem : E contrà si obligatio restituendi non sit ex delicto , communis & vera sententia est cum *Lug. d. 18. n. 35.* non esse obligationem resarcendi damna orta ex dilatione , nisi forte expressè contraxissent de his resarcendis , etiam in mora non culpabili ; item nisi delatio postea cognosceretur esse domino damnosa & voluntariè fieret , tum enim succederet mala fides , & teneretur etiam de casu fortuito , ut colligitur ex *L. 18. ff. Commodati , & cap. Decima. 16.q. 1.* Vide dicenda à n. 357. Item n. 360. An differri possit restitutio , si aliqui damnum domino vel damnificatori causaretur , dicetur à n. 424. Non peccari autem mortaliter , si absque gravi danno domini ad breve tempus differatur restitutio , dictum est p. 1. n. 1002. Denique justas causas differendi restitutionem ad tempus , dabimus hic n. 360.

253 Q. 54. *Quid addendum sit circa lignantes vel pascentes in fundo alieno.* R. Seqq. §. 1. Lignans in sylva spectante ad privatum tenetur reparare totum damnum , sicuti si in alia re damnificasset , ut tenent omnes communiter , quamvis videantur dissentire *Sor. & Tolet.* apud *Dicast. de Rest.* d. 9. n. 353. *Quod si communitas alicui privato elo-*